

密縣志

嘉慶丁丑秋日開雕

國朝縣志

本衙藏板

密縣志卷六

賜同進士出身候選知縣前國子監學正武進謝 增

同纂

賜同進士出身密縣知縣充因子科河南鄉試同考官卓異候陞長白景 綸

山水志

縣西抵登封南抵禹州界曰密帖山

爾雅山如堂者密無草木曰帖

名勝志古密鄆國之地亦稱密國山名也又古密城在山之東四十里

說嵩考山海經穆天子傳汲冢周書俱云黃帝探密山之玉策注玉華也密一作峯高不及二室半而挺矗巽維實爲左障若嵩東無密則神嶽凝蓄之氣不能無一隅滲漏

密縣志卷六

山水志

一

之憾故嵩東之山盡於密而密實屏翰於嵩

按名勝志說嵩皆謂密以山名而密帖在縣西南三十里爲洧南諸山之首最爲高大其說信矣舊志謂密山有二脉其在北者爲嵩之東麓在南者爲外方之未陞不知禹貢外方卽嵩高非嵩高外別有外方也其說誤讀朱子詩註檜在外方北之語未加詳核遂分而爲二耳今考境內諸山其脉有三皆自嵩來嵩東北行至五枝嶺分二支入密界東一支爲城北諸山南一支山形微伏至景店又分爲二支南一支至密帖山突起以次東行爲洧南諸山東南一支自馬嶺寺起盡超化寨皆爲馬嶺嶺南爲洧水嶺北爲綏水亦至超化交流南北諸山多高大者惟馬嶺土

石相雜勢皆平行云

密帖北曰香山

通志在縣西南二十里下盡平陌河

說嵩與密帖接趾石質脆膩細理縷疊遍產磁炭居民藉其利或曰磁始於白居易尹河南時教民業作以活民立祠山上祀之曰香山廟並以名山也

其東南曰栲栳山

通志在縣西南三十里形如栲栳俯平陌河

又東曰栢崖山栢崖北曰熊耳山

通志在縣南三十里古栢成林上有龍湫俗訛熊耳山按栢崖熊耳南北對峙中有白龍潭非一山也通志誤

密縣志卷六

山水志

二

又東曰承雲山承雲二水出焉

續通志在縣南三十里土人呼爲破荆山據水經注有東西承雲二水出其下流逕超化寺前則今之破荆卽古之承雲也山巔有石穴云將雨則雲霧先出

錢青簡承雲山晚發

斜陽隱見承雲暮怪石峻嶒一逕遙多少人家看不見數聲犬吠出山腰

又東南曰崆峒山

通志在縣南四十五里土人相傳卽逍遙觀山

按崆峒山在今平涼府西其麓有黃帝問道處癸巳志云此小崆峒以別西極者

火門山

通志在縣南四十五里有洞豁然向離故名

按夷堅志密縣有墮門山今密無墮門而有穴門其火墮
二音近而訛歟又俗傳曰火煤蓋以地多煤故名

其東北曰龜山

在縣東南二十五里其形如龜在承雲水口

按魏書地形志密縣有大龜山疑卽此

棚山

在縣東南三十五里

講武山

在縣東南三十五里

案舊碑謂黃帝常與風后講武於此因名山東坡有栢成
林山陽大泉湧出山陰山左各有小泉俱流入馬關河

密縣志卷六

山水志

三

又東南曰七敏山

按山海經敏山在大隗西卽今之七敏山也山下出水名
敏水可知七敏山當時亦稱名敏山

大鴻山

通志作大鴻寨山黃帝之臣太鴻氏屯兵於此故名

土人又相傳爲黃帝避暑處東峰曰東華門西有塔山曰
西華門東門相連一峰曰梳妝樓其山之北麓有南泉寺

林壑幽勝竹澗泉鳴探竒者多遊於此下瀉五六里達獨

孤峯入馬關水

明阮漢聞詩

茲山盤鄭郊絡繹連嵩門西南開黛色曖曖
迎朝墩幽岩隱洞壑陽障資陵園溟濛翠微

裏灑落漢泉噴雲端橫秀嶠林際窺仙源上古有此人身
晦道彌尊肇來軒后駕虛心求王言成御飛龍逕迴升

閭崑往牒信可稽遺墟無復
存惟有桑榆曰嚮夕照秋原

石樓山

通志在縣東南三十八里其山高峻重疊狀若樓然山陰
有泉曰冷泉飲之如冰北流入馬關水

具茨山溪水出焉

莊子徐無鬼篇黃帝見大隗於具茨之山

太平寰宇記大隗山卽具茨山也黃帝登具茨之山升於
洪堤之上受神芝圖於黃蓋童子卽是山也溪水源出此
路史循蜚紀大隗氏出於河南密大隗山

通志在縣東南四十五里溪水出其阿流爲陂俗謂之玉
女池今其山有軒轅避暑洞巔有風谷下有白龍湫每旱

密縣志卷六

山水志

四

致禱輒應

錢青簡大隗懷古

十里晴巒翠色重捫蘿引蔓訪遺踪臺
沉力牧荒叢棘洞老軒黃秀古松石碣

糶糊秋月照丹爐冷落曉嵐封漁
樵指點真人處知在烟霞第幾峯

最東曰風后頂入新鄭境

新鄭舊志具茨山與密縣連界其最高爲風后頂在新鄭
境內據莊子大隗似以人名山故風后頂亦取黃帝六相
之稱而在密境者又有力牧臺大鴻山皆其類也

縣西南曰海山

在縣西南二十里山壑盤紆民皆穴洞以居東南隣平陌
河卽馬嶺東南一支下盡超化

縣西曰鳳凰山

名勝志在縣西四十里世傳有鳳凰集其上故名下有鳳凰池

又東北曰二龍山中爲蜘蛛山

在大方山前有助泉寺內有黑龍泉瀦水不流前有靈感泉天愈旱則流愈遠

縣西北曰香峪山

通志在西北五十里山高谷幽上多芳馨之草山前有上香峪寺後有虎跑泉東有狗跑泉西有黑龍潭元至正間禱雨黑龍見

其東南曰大方山一名浮戲山綏水出焉

山海經中山經又東三十里曰浮戲之山汜水出焉

密縣志卷六

山水志

五

太平寰宇記方山注汜水出浮戲山世謂之方山也

說嵩方山形如鑪如鐘如屏帷几帳豎矗橫亘四面青削拔地直上周迴若城汜源於陰綏源於陽經謂其大者畧綏耳

通志在縣西北三十里山頂平行方正卽山海經所謂浮戲山也下有綏谿綏水出焉

又東北曰蘭岩山

方輿紀要縣西北有蘭岩山與汜水交界峭拔千尺名勝志山下有深谷曰落鶴澗昔密人蘭公夫婦於此化鶴飛去至今岩下有石成對形如雙鶴

案通志山多藥草亦產蘭下有落鶴澗卽今惡口澗以石

形凶惡而名

又東南曰橫山一名鬪牛山

方輿紀要有二山一大一小東西對峙橫而不斷

又東曰雞冠山

以形似

香爐山

亦以形似香爐山俗呼爲小頂上有織錦洞洞內有倒井水嘗溢出入洞百餘步仰觀有孔如梭俗傳神女織錦于此

傘蓋山

亦以形似下有西流泉

密縣志卷六

山水志

六

又東北曰龍巖山

方輿紀要起伏連延其勢如龍

在縣西北二十五里有興雲洞歧而深雲常出其中

又東曰開暘山

在縣西北十五里雪降其巔卽消南麓開暘廟祀東皇之神有霖潦則祈之

縣北曰青屏山

通志在縣北八里與開暘山相連控抱縣城形若罍

又東曰張果山一曰靈山

西接青屏東連雲隴

又東曰雲隴山

魏地形志密有雲隴山

名勝志有承雲水出縣北三十里之承雲山 方輿紀要

一名侵雲山

按山在縣東北二十里
今云三十里誤

按雲隴雲濛雲母浸雲東承雲實一山而異名也下有交
花泉懸流深澗漱石如花故名

又東北曰摩旗山

在縣東北四十里地界滎陽岡阜匝布中起一峰有孔以
石投之鑿然有聲相傳軒轅立旗於此其東南有議事臺
西南有屯糧凹西巖有泉名翻花出地北行十餘步復入
地

縣東曰浮山

密縣志卷六

山水志

七

在縣東二十里東西綿亘山頂平廠形如浮船故名

又東南曰夷山

洧水繞前揚河環後長半里許高十丈餘

又東北曰岍山

在縣東三十五里卽雞絡塢之西山也雙阜對峙中間微
凹故謂岍山或曰山前坡水入於溱洧後坂水入於汴故
名

又東曰雞絡塢山溱水出焉

水經注溱水出雞絡塢下

說嵩謂嵩山之北起於轘轅盡於雞絡

在縣東北三十五里土人謂之老鍋崗崖石如塢嵯峨石

穴中有飛卧鬪食諸狀故名

又東南曰下太山

與鄭州太山南北相直前臨澗水後枕玉溪泉右跨龍池
左有崗陵環抱

陘山

左傳桓王八年與鄭人蘇忿生田陘其一也

杜預遺令作邢山曰吾往爲臺郎嘗以公事過密之邢山

地理通釋河南開封府密縣有陘山

顧棟高春秋大事表在楚爲北塞在韓爲南塞二國皆恃
此爲險也

方輿紀要在新鄭縣南三十里

密縣志卷六

山水志

八

按戰國策蘇秦於韓曰南有陘山於楚曰北有陘塞注並
云河南密其地一也實爲南北阨塞

梅山

春秋襄十八年傳楚蔦子馮率師侵鄭右回梅山侵鄭東
北杜注在滎陽密縣東北

春秋大事表路史云河南密縣有梅山武王封伯元孫於
黃梅在楚鄭之間子孫以梅爲氏

方輿紀要在鄭州西南三十五里

鄭州志在州西南高數十丈周數里其脉來自嵩嶽經密
縣皆爲石山至此脫爲土隆然突然狀如乳形或謂舊多

梅花故名

按陘山梅山今在新鄭鄭州境內因舊爲密地故附識於此

橫嶺

方輿紀要橫嶺在鞏縣東三十里接汜水界李密據興洛倉隋遣東郡兵討之又使虎牢鎮將裴仁基自汜水西入以掩其後密分兵伏橫嶺以待

按密橫嶺卽西連鞏汜之橫嶺至五枝嶺入境而東起伏綿延八十餘里隨地異名南北諸山皆其支也

五枝嶺

在縣西北四十里密汜登鞏偃五縣共之

馬嶺

密縣志卷六

山水志
嶺岡

九

自登封景店起東盡超化

文峰岡

在城南上建文峰塔

石羊岡

在灣子河南通志以爲城南所枕誤

尖城岡

在超化西嶺有土墻若城一土阜豎其南俗傳爲金化城不知何說

三臺岡

在王村東北三峰並起望若三臺下臨洧流一曲環抱

天仙洞

名勝志元許有壬游天仙洞記密縣城東三里許有天仙洞四山平旋高障覆擁于外古廟隱垣岡周會群流中繁奇石瑩如玉點如聖其白其黑綵如縹霞結如絙綿垣外古柏成林庭畔老檜競直約五六仞殿後白松如傅粉一本三幹高十數仞本大四抱餘本畔一竅常流液甘甚周歲兩脫膚根盤據枝若拏虬葉秀翠且硬世傳漢有閨女仙化葬焉此其塚上物也廟前百武許有繡石狀架棚其左泉滴如雨茲遊故多異云

靈巖洞

在縣東四十里雲崖下一山突起水四環之高下巖洞大小十餘號靈巖者稍深廣可容數十人懸蘿垂巔復坦然高敞可廬相傳黃帝問道風后講武處此巖自頂至踵石皆玲瓏斑駁碎之乃櫟葉層累惟色近黃赭不瑩爲憾耳其後水流峽中樹出石罅琴卮塵屐良助幽致

靈羊洞

通志超化寺西南五里許洞在半崖古傳有羊出入不知何靈物也深窅莫測居民不敢深入中有白蝙蝠

張良洞

在壺瓶嘴當溱源之下崖半有洞三深不可測者二其北崖如鳳凰飛翥西南崖如龍蛇蜿蜒古木成林森聳鬱積世傳留侯辟穀修鍊處又後人避金兵于其中俗呼爲避

金洞

神仙洞

在銀鑛峪間洞中有水從門湧出惟大旱斷流人乃得入洞高丈餘深不知幾許內有石柱瑩潔如玉兩壁列石佛石龍盤于中道石乳垂於洞頂約行一里有石井居民數十家用之不竭井旁復有門入內有石坑石枕皆天生有白蝙蝠大如箕約行十里許有石屏風當路冷氣侵骨不可復入相傳洞中有二仙一名比何一名古佃非至虔誠不得見

青烟谷

魏書地形志密縣有青烟谷

按今西北有興雲洞常有煙出其中疑卽此

密縣志卷六

山水志
谷 厓

十一

丈石厓

在超化西南有袁中郎醉書三大字

知縣王珏丈石厓冬楔序

修楔春事也西京雜記所載暨王右軍蘭亭叙皆於三月上巳

若栢子池邊與盥濯食蓬餌則正月上辰矣至於馬融西第頌劉楨魯都賦所稱如西北戌亥元石承輸又素秋二七天漢指隅人胥袂襪國子水嬉蓋不獨春爲然特未聞有修楔於冬者癸卯之歲時和年豐四境寧謐訟事簡稀乃十月三日有温先生招遊雲莊訪紅葉是日也天晴無風黃花白雲之間藉草聯飲致足樂也錢升階曰蓋往觀丈石厓手竒峰矗疊怪石盤互碧潭龍霧沙洲雁雲俄至袁中郎醉書大字處日華夕照霞光璀璨古樹歷亂藻荇紛披視金華泉猶襟帶也岸東有竹園琅玕干箇浮翠撲人而麥種蒜秧之近於溪者又彌望皆是雖冬之十月亦何異于春二三月秋七八月時哉因偕諸君子於曲水流觴賦詩紀事并爲之序云

洧水出登封陽城山亦曰馬嶺山

桑欽水經洧水出河南密縣西南馬嶺山酈道元注水出

山下亦言出潁川陽城山山在陽城縣之東北蓋馬嶺之
統目焉

漢書地理志陽城山洧水所出

許氏說文洧水出潁川陽城山

方輿紀要洧水在密縣南十五里自河南府登封縣流入

縣境

張龍甲洧源考陽城縣在今登封縣東南三十里世呼告
成登封志嵩嶽太室山東北二十里曰東龍門山龍門山
東曰馬嶺山山勢相聯洧水所出李白題元丹邱山居云
北倚馬嶺連峰嵩邱是也則馬嶺亦統名陽城蓋一山也
東南流逕陽子臺又東馬嶺隴水南來注之入縣境

密縣志卷六

山水志

十一

水經注清水東南流逕一故臺俗謂之陽子臺又東逕馬
嶺隴北在山上隴下泉流北注亦謂洧別源也而入於洧
水

洧源考馬嶺山下地名土觀其東北三四里有助泉西南
流入土觀洧東西流注陽子臺此出土觀未遠之地非今
密縣西南之陽子臺也密縣牛兒店西十里景店乃登封
界景店西南有土山東西狹長上甚平坦西偏陡起上列
小障卽馬嶺隴也後人建寺於頂呼馬嶺寺或譌馬鳴寺
其北下有水北注洧水皆與注合也自此東流逕牛兒店
北轉東南流

按洧自馬嶺塢來逕西施村弋家灣與沁水合卽水經注

清水也又三里至界河入密下曰平陌河

又東白龍潭水西南來注之

源出栢崖山陰有石湫大石覆之禱雨多奇應湫上有白龍廟其水環嶺而出逕羅義灣入洧

金李廷訓聖水感應記

栢崖山白龍潭者書史未詳聞諸父老云唐末五代始有是廟每遇

歲旱禱之頗應大金承安四年自冬涉春至四月中驕陽人饑頻年旱荒今又若此權州宣武將軍完顏石見以清政蒙朝廷特加寵擢自唐州司候除本州防判下車之始刻意教民興利除害奸黨遠良民安既而歲饑穀麥湧貴公詢諸耆老云自來歲旱必以祈禱公問何處取水有以郡東武應王廟聖水應者公即迎水至郡凡經三七日雨意益遠一日正衣冠坐堂上默念之俄有一人鬢髮皓然氣宇磊落長揖坐側謂公曰歲旱若此禱非其神本郡栢崖山有白龍潭者其龍即守護超化寺舍利寶塔之龍神也胡不往禱公欣然應之曰有是哉老人曰無疑公曰公何人居止何處老人曰不必問後自吏知言訖而去公竊思曰此老公倨傲若此得非誕妄詢門吏皆對曰無公大驚

密縣志卷六

山水志

十三

始悟其非常人也問郡中有超化寺否對曰副都綱僧福連卽超化寺僧召問超化寺有舍利寶塔否曰有之又問栢崖山有白龍潭否曰有之公曰在寺何處曰在寺西南十里許公曰有何靈異曰廟中無碑刻但古傳禱雨卽應備詢其詳又陳數事甚異可駭於是具陳前說舉衆歡呼歎未曾有卽罷武應水命行管城令懷遠將軍夾谷同副都綱前諸栢崖山召近村耆老備詢其事亦同令喜謂副都綱曰聖境殊勝非我聞豈得符契若此卽往潭側覩其岩石峭峰巒峻拔潭水瑩淨湛然澄澈色如琉璃望之悚然若不可近令曰真龍神窟宅也整冠炷香再拜勲禱忽有大石自山頂而下聲若暴雷周旋屈曲落於潭中衆皆戰慄既而無毫髮損傷令復拜汲水聞雷聲殷殷發潭中潭湧沸有白雲冉冉孤飛幕聖水之上令與衆徒步迎水至超化寺置舍利塔下禮敬達旦翼日同本縣官僚士庶伎樂傘蓋并本寺僧衆花幢幡送至梅山之北權州躬率官僚人等迎至壇場具陳梵少間白雲油然驟風忽起震雷激電大雨如繩霈然洪澍平地已逾二尺不食頃翻波逆浪汪洋傾如決大河須臾晴霽衆皆稱賀公曰嘻此龍神之德令尹之功也嗚呼將稿之苗青綠生動變爲豐歲矣請留聖水一精嚴敬養次日送還自此雨澤頻降併歲大稔龍神報有功德巍乎無得而名焉是權州心務民事獲龍神相報有如此者諸公

謂予當紀是事示將來度
幾靈踏勝緣昭著無窮耳

又東綏水西北來注之

水經注綏水出方山綏谿卽山經所謂浮戲之山也東南
流逕漢宏農太守張伯雅墓東南流逕上郭亭南東南注
洧

附唐尚書田穎隨遊記龍門之上洛水自洛陽來洛水之客靈邱

猪潭按鞏志方言洛水悠悠向東流芒山卸枕五枝一歇

五枝嶺有人趕來攢入鞏穴猪潭卽五枝嶺後石峽中負山

難行地軸可接按崑崙山注地下有八柱柱廣十萬里有三千六百軸互相牽制名山大川孔次相通

直至綏谿纔見日月出水浮戲方山乃爲之宅沸洞猖狂

水大轉寺右側上香峪寺跋前躓後水流不平逗留不得下爲助泉

密縣志卷六 山水志 十四

道士一袂建寺無水道土一袂水出因云助泉取之不禁用之不竭稱爲靈

感衆皆大悅道士神通賣弄仙訣隨之百步躓成地脉傳言

道士去水隨之道土叱曰從南轉東北召岑莊兩枝四十五摺石

人脚下海眼未塞傳言超化金花泉有一半面石人云遇

見洧水叫我爹爹一自寺後北轉如線虎跑泉出獨行默默狗

泉再現穩脚不住暗至龍潭龍崖之嘴拋頭露面水大龍

鼻之腦珠掛成串一分鼻下寺之前翻花舞練益大到卧牛

坪轉眼不見偷下拐峪坡前射雁雁坡名蕭魚之口如飢如

渴一往望梅止之謂梅亦自不覺月牙范村經此三家相

托大石門柿樹灣負之而趨方山東河四水崖回路轉

尋伴問郭有枝綏水胡地之頭超化之脚石人遇見洧水

叫我哥哥擁之而往東與溱合

溱水在新鄭界

按遊記奇闢可喜而於綏水左右兩枝之脉絡分合伏見經行曲折無不縷析當有所本故特采入其稱綏出於洛與法海寺碑密號古洛合但不可考耳

按水經注此下有洧水又東襄荷水注之水出北山子節谿亦謂之子節水東南流入於洧又東會滴瀝泉水出深谿之側泉流丈餘縣水散注故世士以滴瀝稱南流入洧水也考今子節水自護堤口入綏滴瀝泉水自灣子河入綏皆非逕入於洧當是古今水道不同或鄙註偶誤耳

又東金華泉水西南來注之

洧源考自滴瀝泉下至超化金華泉而水大出焉蓋自土

密縣志卷六

山水志

十五

觀之下洧水之溝皆曲折峻山間山水衝激亂石星羅於溝底大雨則泉隨雨集漲滿平川霽則細泉伏流石下至超化以下方見而不伏故土人謂洧水明流者百餘步暗流者四十餘里若直以超化爲源而強指相近之山爲陽城馬嶺則山川易位準之諸書皆不合矣

在超化寺東縱廣畝餘自地湧出寺南有月牙泉三寺西亦多泉龍王廟又有前後龍池

又東承雲二水西南來注之

水經注洧水又東流南與承雲二水合俱出承雲山二源雙導東北流注於洧世謂之東西承雲水

又東朝陽寺河西北來注之

源出張果山過靈山廟入洧張龍甲溱洧全圖謂在洧南
誤

又東微水西南來注之

水經注洧水又東微水注之水出微山東北流入於洧

溱洧全圖在大鴻山下

又東騰蛟河水西北來注之

騰蛟河水源出雲隴山前雙橋下東南流逕騰蛟臺入於
洧

又東逕故城南

水經注洧水又東逕密縣故城南春秋謂之新城東門南
側有漢密令卓茂祠

密縣志卷六

山水志

十六

按春秋新城卽今大隗鎮

又東璵泉水東南來注之

水經注水出王亭西北流注於洧

按王亭今不知其處今大隗鎮西南八里有鑠水泉澄深
丈餘明鑑鬚眉卽水經之璵泉水也會龍池水由大隗東
南白石棚入洧

又東南楊河水西北來注之

源出邑東北如堂廟檜樹亭衆流滙之經紅石峽繞大隗
鎮卓君廟後至夷山左入洧

又東南馬關水西南來注之

水經注又東南與馬關水合水出王亭下東北流歷馬關

謂之馬關水又東北注於洧

按馬關水出七敏山卽山海經之敏水東北流會南泉石樓諸水至潭逗灣入於洧計行三十餘里

又東武定水西北來注之

水經注洧水又東合武定水水出北武定岡西南流又屈而東南流逕零烏陽陽側有水懸流赴壑一匹有餘直注澗下淪積成淵嬉遊者矚望竒爲佳觀俗人睹此水挂於陽側遂目之爲零烏水東南流入於洧

按水經注武定水出武定岡在南來馬關水之下考溱洧全圖是今之邵河也武定岡卽今之大岡小岡舊志以爲楊河誤零烏水今無其名其云懸流赴壑淪積成淵與所

逕響水潭合

又東淨腸河水西南來注之

源有二一發莊子溝一發黃龍潭經洪山廟石橋至寇家寨北入洧

又東虎牘谿水西南來注之

水經注洧水又東與虎牘谿水合水發南山虎牘谿東北流入洧

按在今雙樓西

又東聖壽寺西溪水北來注之

源有二一出關溝一出史溝逕王嘴東入洧

又東南赤澗水西北來注之

水經注赤澗水出武定岡東南流皇臺岡下又歷岡東東南流注於洧

按溱洧全圖武河卽赤澗水之上游源出大岡山名田衝河繞固泉寺逕仙姑洞南流爲武河又南流爲赤澗水與水經注合

又東南溱水東北來注之

黃宗羲今水經洧水東至新鄭縣會溱水爲雙泊河

按洧水過周渡口龍淵至石節里許卽入新鄭界又東北流里許溱水自東北來入之此溱洧交流處也名交流寨又東南逕鄆城南

方輿記要在縣東北五十里周檜國也

密縣志卷六

山水志

十八

溱水出鄆城北西雞絡塢下

水經溱水出鄭縣西北平地注出鄆城北西雞絡隰下東南流逕賈復城西

今水經溱水源出密縣

溱洧考源出密之董家溝溝首有地名一里坡坡有大邱如覆釜俗名老鍋岡卽水經注之雞絡塢也

又東南澨水西北來注之

水經注東南流左合澨水水出賈復城東南流注於溱

溱源考溱又東南側曲梁店西轉抱其南名曲梁河澨水自西北來入之卽注所云左合澨也水出光武店東七里危家溝溝南岸有大嶺東西連接溝在嶺北東流至太山

西南王家口折向南流逕曲梁東南入溱

又東南承雲水西北來注之

水經注溱水又南會承雲山水水出西北承雲山東南歷
渾子岡東注世謂岡峽為五鳴口東南流注於溱

又東南逕鄆城西柳泉水西北來注之

水經注又東南流歷下田川逕檜城謂之柳泉水也

密縣志卷六

山水志

十九

按柳泉水今不知何處張龍甲次于響潭河後既與注不
合所云樊家溝水亦未確

又南為響潭河

水經注又南縣流奔壑崩注丈餘其下積水成潭廣四十
餘步淵深難測

溱源考溱水後折而西流有石磴隄下瀉為深潭廣三四
畝中多大石欹側四五處懸流激鳴世謂響潭河

貢生周集祥響潭詩

文殊謁罷道心清坐看澄流下古城
地不虛巖懸瀑布滿天風日聽雷聲

又南注於洧

水經注詩所謂溱與洧者也世謂之為鄆水也

溱源考以其逕鄆城西故謂之鄆水

潁水出大騶山東南流入新鄭界

水經出河南密縣大騶山東南入於潁注大騶卽具茨山也潁水出其阿而流爲陂俗謂之玉女池東逕陘山北有鄭祭仲冢冢西有子產墓

通志潁水一名清流河一名魯姑河

按縣東南五十里關口村前有小泉不二里入新鄭界人稱潁水其源固不遠於大騶山也

龍泉

在天仙保龍泉寺後北流入滎陽潁水

聖水泉

在縣東北聖水寺近滎陽界平地湧出水可丈餘逆而西

密縣志卷六

山水志
水泉

二十

流合溫泉水泉水北入於汴

凉水泉

在岳村集東三里有泉夏涼如水行人賴之

五鳳泉

在五鳳岩下石罅出水清森漣漪相傳池水四溢則歲豐

稔

鼓鑿泉

在楊條溝里許北崖湧出聲自內作響如擂鼓故名

龍潭泉

在崗劉北夾崖湧泉祈雨輒應往往有白雲騰空故名龍

潭

靈泉

在茶庵南澗下往來行人苦無水飲知縣于兆麟相地掘泉不數尺而水湧出

五龍潭

在岌山南崖壑千重澗濶數丈石壁聳立中多奇泉第一黃龍潭第二爲黑龍潭第三爲九龍潭第四爲白龍潭至此水出峽直下石磴丈餘下滙爲青龍潭

響水潭

一在縣東七十里卽響潭河也一在縣西北三十五里神仙洞西巉岩上壓危石欲墜懸水點滴四時發響清聲激越如奏琴瑟毗連西山有大石岩似室內有石柱二橫几

密縣志卷六

山水志
水潭池

二十一

一

獅子潭

在承雲山西北澗中山水迅流而下停蓄爲潭兩石蹲踞頭角崢嶸形如狻猊

青龍池

通志在密縣池上建驅蝗祠歲時奉祀
按池在靳寨順治間青龍見土人禱輒應

古龍池

通志在密縣東南三十里源出徐家溝水從上瀉飛瀑如雷喧豧之聲不辨人語驚濤瀆沫池廣丈餘而方舊以石湫池畔古木四五章皆數百年物石罅叢泉滴瀝成韻南

岩有白石佛經亂俱燬惟泉在濺人衣襟

案池在大隗鎮西南五里下有數泉北注入鑠水

飛雲瀨

在丁鐵店西北百餘武跨馬關水上石色青碧有數竇水穿其中鳴瀉之聲瑟瑟中聽前有渟渚可駕一舟亦名錦石洲以其在水中也上可坐百人爲高士遊覽之所

知雨瀨 一名石節

在謝村保東境洧水經之穿石傾瀉潺潺有遠韻夏夜靜時忽有潮聲聞數里土人以此卜雨甚驗因名

周集祥詩

白鷺羣飛集石汀漁人指點水波靈常因細瀨能知雨博得潮聲夜半聽

石梁河

密縣志卷六

山水志瀨河

二十二

方輿紀要出縣西南山谷中經禹州北境

名勝志出縣山谷中流至朝華寺前滙爲黑白二龍潭東流入臨潁

王寨河

名勝志在縣東北五十里南流四十里入洧水

龍池河

源有二一出曲梁保陳寨南溝一出桃園村東龍池至朱家寨合流西向南逕下太山西入溱

劍河

源出程嘴西北里許南流至槐樹嘴與王溝塌潭二水東南流至交流寨入洧

黃水河

源出曲梁保牛菴東南東流逕李莊東北入新鄭界

半陌河

在縣西南十八里卽洧水上流也

青石河

源出開暘山南流于邑西五里堡入綏

石河口

一名十河口
俗名湖地口

在縣南五里許爲西北山水總會之所西岸爲關山嶺東岸爲石羊岡河從中盤曲而出卽綏水也東南至超化入

洧

灣子河

密縣志卷六 山水志

二十三

源出橫嶺逕青屏山後東流會青山河柳河滴瀝泉馬漢河諸水又西南流爲灣子河又東南流入十河口

城西關河

源出八里廟會籐花諸泉東南流入綏

黑峪川

在縣東北二十里東流入鄭州京水

槐峪川

在縣西北三十里北流入滎陽

古蹟

補城

溱洧源流圖在今補子廟西南

華城

方輿紀要在新鄭東南三十里亦曰華陽亭古華國也

按今謝華城卽其地在密新界

古鄆城

括地志古鄆城在鄭州新鄭縣西北三十二里

方輿紀要在縣東北五十里周鄆國也左傳僖公三十三年鄭葬其公子瑕于鄆城之下杜預注城在密縣東北

按溱洧源流圖在今洧水北溱水東南地近響潭去城七十里

古密城

水經注春秋謂之新城左傳杜注新城鄭新密滎陽密縣

密縣志卷六

山水志
川古蹟

二十四

今河南開封府密縣東南三十里有故密城

名勝志古密城後漢卓茂所理南齊謝朓詩茂宰深遐眷卽此

說嵩古密城今爲大隗鎮有漢卓茂遺愛祠

按通志謂在城東七十里以古鄆爲古密誤

古鄭城

方輿紀要古鄭城在新鄭西北相傳鄭武公始都此

張龍甲古鄭城考在今新鄭縣西北二十五里與密縣接界明王錫爵左傳釋地謂在新密界最爲確切

古韓城

古鄭城考鄭爲韓滅遂遷此爲韓國秦一六國壞城決堤

防六國舊都俱隳爲平地

長城

後漢書郡國志卷有長城經陽武到密

按史記蘇秦說襄王曰大王之地西有長城之界據此則長城屬魏顧炎武曰知錄曰此韓之長城也今香爐山五嶺上有石壘長堰狀如城垣疑卽其遺址俗傳爲秦始皇巡行所築無據

賈復城

水經注澧水出雞絡塢東南流逕賈復城西

溱水考卽今光武店復光武之臣故土人易其稱耳

武陵城

密縣志卷六

山水志
古蹟

二十五

曲梁城

魏書地形志孝昌中分密置武陵城曲梁城

方輿紀要曲梁城在縣東北後魏分密縣地置

按武陵城今不知所在曲梁城卽今曲梁集是

法橋堡城

太平寰宇記隋大業間移治卽今理

零水城

唐書地理志武德三年以縣置密州并零水洧源二縣

按今零烏塢東十數里有故縣村疑卽零水故墟

洧源城

說嵩在大冶鎮西三里洧水之上土人世傳太古名歷志

未有紀載其地亦無舊城垠址第離洧源數里或洧源縣之遺稱歟

按今登封大冶鎮距密境僅十餘里古密疆域寬唐置縣或卽在此舊以超化西嶺俗傳金化城者當之臆撰無據

王居城

在縣東世傳昔王子避難處考晉出帝避亂曾居密十日或卽此歟

越王城

在大隗鎮東門外俗傳遼時越王述魯西伐党項吐谷渾俘其民放牧於此因建又云吳越錢氏降宋居此皆不可考

密縣志卷六

山水志
古蹟

二十六

力牧臺

一曰拜將臺
一曰熊臺

通志在大隗鎮東俗傳黃帝講武于此又曰築拜風后土人呼爲臺子岡又曰黃臺岡

卧龍臺

通志在縣西方山保相傳黃帝訪廣成子問道處

講武門

軒轅門

雲岩爲黃帝講武處後世建門立石以誌其蹟二石俱係橫書于土中掘得之今尚在

錢青簡講武門詩

戰敗蚩尤犒旅徒雲巖深澗葬兵符
千秋永罷干戈事蔓草樂烟鎖陣圖

御射亭

在牛兒店東二里

高宗純皇帝巡幸嵩洛時建今廢

華陽亭

一統志司馬彪曰華陽亭名在密縣稽叔夜嘗採藥於山

澤學榘於古人即此亭也

檜樹亭

通志在縣東二十里圍視白松殺十一聳視白松殺十三

亭亭偃蓋左紐銅文亭傳自宋樹必宋以前物也

慈亭

書影天中記載密縣有慈亭慈意也予讀書密之超化寺
兩載每詢親識皆不知其處

密縣志卷六

山水志
古蹟

二十七

滴水棚

通志在縣東五里天仙廟石澗水出滴瀝如雨晝夜不絕
味甘冽流數武伏而不見上有石棚棚容數席厚二尺許
皆碎石黏聚所成從罅中下滴滲液甘冽曹元甫學使過
而嘗之謂與惠山泉無二

李鵬鳴滴水棚詩

拳崖懸泉驪龍守掌擲珠光不見口碎
蟠碧泓誰敢拈盤陰幻溜銀床朽忽若

漏屋補煉石幾年曾試女媧否太液仙人摘曉星倒看青
天小如斗上有黃帝千尺松種松卜此施大手流霜獨活
元冰鳴收雨雨師收不走聲聲
滴水瀝復聲聲年年滴瀝岩壑清
通地脉無處辨源頭幽壑晴還雨深
林暑亦秋相如多客病愛此為淹留

白松

中州雜俎天仙白松在密縣東五里世傳漢時有女仙化

葬此松其塚上物又云黃帝葬三女處三女九歲俱辭家
學道後十七年歸省一夕同逝合葬于此明年塚上生松
色如傅粉一本三幹高八九丈大四抱餘本畔一竅常流
液甘甚謂歲兩脫膚盤根虬枝其葉青翠且硬膚理瑩澤
以手瓜搯之文隨起真奇章也殿三楹祀天仙像世稱三
女爲天仙地仙人仙今天天仙其總號也夫帝女合葬事
已近誕縱使有之塚上生松未必果爲帝女所化且松枝
之三出者多有何得以此徵異後人咏松之白便入玉膚
冰肌等語以况之可笑也獨李于麟有句云非爲子雲能
作賦誰知玉樹本青葱特稱雅當至行甫謂取其枝作帶
版香潤異他木李本寧太史贈貽之云不知何時開此端

密縣志卷六

山水志
古蹟

二十八

竊爲木慮余問之士人殆無此事想假託之以炫奇也

明楊思聖白松詩

老樹何年植軒轅事有無霜紋飛素雪
鐵幹冷栖烏赤日風雷急空山魑魅趨

榮枯應不到
天地任荒蕪

李攀龍前題三首之一

孤根一託蕊珠宮不
與茗華粉黛同夜暗

龍鱸銜日照天清鶴影望來空
擁蘭臺萬里風非爲子雲能作賦誰知玉樹本青葱

吳國

倫前題三首之一

何處松標歲月深
文細結清霜老塵尾高懸赤日陰
二室

迥疑開雪嶺三花遙復妬珠林
來帝子顏如玉詞客偏含萬古心

李及秀前題

帝女荒祠
向久陽亭

亭玉樹幾滄桑積來榮悴成今古
庭前迷素影疎風天半落奇香
鼎湖龍去靈根在手澤還

同世久長 李朴前題

黃虞人去幾千秋
華胥好世界猶驚春色在枝頭
青天霜幹

垂今古素質寒光照海洲
廣成問道後西風蕭颯不勝愁

張文耀前題

高少峯前帝
子祠孤松三

秀鬱參差誰將地下含香骨
珠是樹蕊宮花放玉爲枝
清風永夜搖環知是魂歸月

時卜

摩旗穴

在力牧臺頂深丈餘團圍如瓦筒節節壘甃紋似旋螺相傳爲黃帝拜將摩旗處

蕭魚

春秋魯襄公十一年公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚杜注蕭魚鄭地綱鑑註在開封之密

今稱蕭魚口在香峪山東南俗訛爲蕉峪

上郭

水經注綏水經上郭亭康熙字典云蘇音侍鄉名在密縣當卽今土郭也

密縣志卷六

山水志

二十九

慮馬道

在摩旗山下山路狹窄二馬不能並行相傳漢高祖困滎陽飲馬陸賈河馬回魚貫而過因使人數其多寡故名

大隗鎮

鑠水鎮

金史地里志密有鎮二大隗鑠水

眉山店

方輿紀要宋紹定五年蒙古逼汴京金將武仙自宛鄧入援至密縣眉山店敗還眉應作梅

白雲莊

明御史溫源別墅也在超化東岩上每推窗俯視田廬村

市俱在眼底山翠波光掩映左右 國初楊布政思聖耿
宮詹介石城趙御衆范陽馬爾楹皆往來其地爲一時人
文之藪

焦欽龍雲莊詩 買山曾有約卜築遠塵氛溱洧籬根遶崆峒屋角分竹搖蕭寺月塔補石梁雲曉日

開窗坐漁 孫博雅前題 漳南花縣舊知君話到當年涕泪

山雲牀頭金盡仍留客笛裏聲悲豈用 梁廷授前題 三年

文最是蓼莪不忍廢獨吟遣句對斜曛 梁廷授前題 三年

老王孫每念雲莊屋漏痕君幸腹中書未燬我慚囊底瑟
空存傳餐或肯仍留客乞食寧羞再扣門爲報麥秋當早

草聖碣

晉王右軍十七帖之一相傳此碣埋于地中時有寶光騰
起土人掘得之今與宋黃山谷歸雲堂三字同嵌西門外

密縣志卷六

山水志
古蹟

三十

關帝廟壁上

貞石

在摩旗山明熹宗時逆璫魏忠賢權傾朝野直省徧立生
祠采石茲山他石輦出獨拜石一方數百人曳之不起祭
拜之杖笞之終不起密人士因呼爲貞石乾隆初村人伐
之三舉摧一隅其家報驟畜斃者三遂止村中自此多患
病伐者之家尤劇至今相戒莫敢犯

舉人韓城貞石記 貞石者邑東山之片石也石無知之物也石而小無知之尤者也曷謂稱以貞也

貞忠臣義士烈女節婦之美德而以石當之則其爲石也大矣明季魏闖之禍甚于漢之常侍天子方寵嘉之恐不至令天下爲立生祠中外遐邇海隅山陬皆惶恐奉詔而密之令踰踰爾乃召匠氏庀鳩材物出府庫竭民財悉力經營一日常數省試其工之勤惰工拙將落成令徘徊於兩楹之間而曰異日者稽顙而後拜與抑拜而後稽顙與

顧泥塗於斯則褻其藉以石顧語石工日石欲其精如
斯瑩三日之內將於汝乎觀成而丁皇爾裹餼糧陟岩
獻南山之南北山之北皆將有足焉後得石不圓而方
中堅外強赫然有光曰可矣乃量其長短廣狹厚薄
大小約其輕重拭其色叩其質計其工之勞逸多寡走告
令令稱善諭士度擇吉日將以致是石而密之民攘爾
石在摩旗之坂不能輦致故工且倍至日令親料丁役
催財物檢械器使金工執器木工執器石工執器至則
役人各執其物修道路橋梁將沛然而致是石而石則
工人相其勢度其形以審厥宜工曰木稱之致乎是石
橫特縱繩摺之摺以綱維之疏密人承以肩如櫛斯比
左之右之參伍之錯綜之沛然而致是石而石則石則
聲架架然合其聲格格然將沛然而致是石而石則石則
爾工曰非石有餘也力不足也承其彌縫老者易以壯
者易以強將沛然而致是石而石則石則石則石則石則
執酒糜後執鞭篁曰用命者賞而石不用命者誅爾令
賞各鼓舞其力以必致是石而石則石則石則石則石則
無策而令亦曰已而吾寧舍之而歸爾而其狀若有所
惘爾異哉斯石其殆所謂抱璞自完者耶易曰介于石
終日貞吉言君子之潔身立行如石之介而能貞也因相
與貞是石貞石不往必將有他石往而應其求者卒之魏
璫誅而祠汙且瀦石亦遂漸滅於荆榛草莽瓦礫中矣而

密縣志卷六

山水志
古蹟

三十一

貞石獨存蓋正

知縣景綸貞石亭序

天地浩然之氣磅礴

而固之謂貞剛不可遏抑者良由所付畀然也故雖歷
于物其正大堅剛之士為之發隱闡幽藉以勵風俗而式
世久遠終遇有志之歟余以嘉慶辛未莅密越明年七月
澆薄寧非甚盛事歟廉韓君哲夫所撰貞石記及所徵
孝廉王君彭年持鄉孝廉韓君哲夫所撰貞石記及所徵
貞石亭詩介學博王君孝廉韓君哲夫所撰貞石記及所徵
謂正矣不畏強橫可謂固矣命之曰貞宜矣唯二百年來
棄置于荒烟蔓草中恐積久而人莫識其處且愈久而人
竟不知其名也職是之懼竊欲因其址而葺亭以覆之并
勒此記與詩於壁非徒以飾觀愆息亦聊以昭鑒戒
耳敢請序予受而讀之而不禁憬然也考密於古為鄆國
小而侈羔曜楚沃急緩成風其失正固之義久矣特於
嵩高之麓居天下之中沃而泉甘民樸而多壽其地處
天不可謂非厚也方有明之季奄勢大張當時抗竒刑櫻
捺禍百折而不同者固不乏人而奔走趨奉而戴之者
亦滔滔皆是迨建祠之令下土木金碧窮工極巧更所在
競靡矣乃獨此摩旗塊然之下石義不苟就階陛以承諂
之膝舉之不動鞭之不起其壯烈之氣洵足與楊左諸公
爭光泉壤而顧聽其委於荒原幽嶺日炙雨淋與瓦礫同
朽豈不大可惜哉夫既已鍾毓而付畀之矣寧終忍其
抑遏而不彰暴露而不為之護庇耶於是假乎人而誘其

然或為之謂詠或為之叙記或為之採輯而搜羅行見魏
 琛璨已也將必所有勃發不重乎予不敏承乏於茲石同不
 者則此一亭也所繫顧是舉之飲以落之觀成是為曰願操
 既愧政令之無聞深喜賦詩宴飲以落之觀成是為曰願操
 榼載筆從諸君子相與賦詩宴飲以落之觀成是為曰願操
撫吳熊光貞石歌
 成德立中州伐柯探石匠爭赴嵩高維嶽峻極天呼曾
 置祠官護宵壬膽敢肆摧殘鑿破嶠岫神共怒萬手琢磨
 竟徒勞百牛拉拽不能去奴輩任作叩頭蟲玉峙幾曾移
 寸步當其窮工獻媚此時祠像以沉香塑金珠寶作肺移
 腸詎料貞珉獨與忤此蓋聖門剛大氣直殫張石不似狐兔
 否即左楊忠義魂化到名山媿刀鋸堪歎鼎甬石不如首兔
 先拜倒有魏顧一舉國病若狂得砥柱苟更流無挽內惟
 煬竈外貪漁遺毒國亡罔寤安得得砥柱苟更流無挽內惟
 瀾莫黎度我昔撫豫殷**舉人李元滄貞石歌**侵雲山下亂高
 景行笑他閨媚俱何處**舉人李元滄貞石歌**侵雲山下亂高
 石如羊屯中有一片且瑩百年古苔龜紋摩挲誰題
 貞石字問之父老陳其源為言故迹出前代至今野牧避
 嶙峋明祖誓碑象禹鼎魑魅偷仆么跳奔北寺屢竊太阿
 柄當頭委鬼猶獐蹲障日直欲裂鰲極凶燄狂撼天柱掀
 衆正血作恒星隕衣冠袞袞皆兒孫崩角高呼九千歲逆
 祠獻媚爭姓復隨例修奠輪石偶此遭物色千鎚雷
 守令伊誰何亦離五丁死萬牛債軛車折轅當時驚吁
 動摧山垠太璞雖離五丁死萬牛債軛車折轅當時驚吁
 舍之去貞堅永保蒼崖根頑廉中立正氣在僉佞徒爾
 中塵我聞擬下米顛拜祇疑中東林魂何當覆以百尺
 之亭繚以千尺之垣磨以崑山之玉濯以天漢之津九原
 呼起宋安民刻我新詩當其臙長使介節留千春勿令雨
 淋日炙**員外郎吳賡枚貞石行**有明叔季弛維綱貂璫隻
 荒荆榛**員外郎吳賡枚貞石行**有明叔季弛維綱貂璫隻
 沒木妖土怪紛翺翔生祠供奉九千歲靦顏羅拜皆冠裳
 雕金為壺玉為斝式歌且舞斟瓊漿屈膝階庭藉巨石叱
 材羣赴山之陽嵩嶽雲根作霖雨忍使斧鑿潛相戕琢磨
 之工積歲月竚見祠宇生輝光長緹盤旋一千尺萬牛迴
 首心茫茫石屨拜石不動掣曳難與爭毫芒巧匠躡跡
 賤工怒謁石屨拜石不動掣曳難與爭毫芒巧匠躡跡
 芳刻楠中楹安在但見苔封蝕蒼涼我聞人物各
 異性受天地厥心臧匹夫有志不可奪浩然之氣大且
 剛羣倫震蕩資鎮定名臣正色登巖廊誓堅如山敵莫撼
 將軍劾命臨疆場我心如石不可轉中流誓欲迴澗狂繫
 彼浮沉汨榮利朝秦暮楚與莽介如雲著胡相忘閣時坐
 驚歎收中郎國土委身卓與莽介如雲著胡相忘閣時坐

密縣志卷六

山水志
古蹟

三十二

顧黨逆豎曹徐傅許毒焰張忽逞陰謀興大獄羅織善類
東林殃狼貪鼠竊濟狐媚亂生有象如蝸蟾豈知區區一
片石巋然圮立靈岩岡石高數尺廣袤丈峻瘦骨凌冰
霜男兒立身不如此鬚眉七尺空昂藏誰秉史筆傳貞石
垂之千秋萬
世為民坊

塚墓

三女塚

在縣東五里天仙廟詳見白松下

鄭莊公塚

在岐固保東南至洧東至溱各三里許柳溪經其左周圍
八十一步高三丈餘父老相傳為寤生塚俗呼為墓生太
子塚訛寤為墓也舊誤入新鄭志

舉人周訪禮詩

平原遙望塚嵯峨鄭伯遺踪尚未磨抔土
曾經隣志借寤生幾被俗傳訛墳封馬鬣

密縣志卷六

山水志
塚墓

三十三

空秋草陣作魚麗付逝波遺愛
何如東里彥新城祠宇薦馨多

鄭公子瑕塚

左傳僖公二十三年葬公子瑕于鄆城之下杜註故鄆國
在滎陽密縣東北

稍公塚

在五虎廟東有大塚二高兩三丈周圍約二里土人呼為
稍公塚或曰鄭昭公不可考矣

衣冠塚

在大隗鎮卓君廟前相傳葬卓君衣冠處

漢宏農太守張伯雅墓

水經注宏農太守張伯雅墓營四周壘石為垣隅阿相降

列於綏水之陰庚門表二石闕夾對石獸於闕下冢前有石廟列植三碑碑云德字伯雅河內密人也碑側樹兩石人有數石柱及諸石獸舊引綏水南入塋域而爲池沼沼在丑地皆蟾蝓吐水石隍承溜池之南又建石樓石廟前又翼列諸獸但物謝時淪凋毀殆盡矣富而非義比之浮雲况復此乎王孫士安斯爲達矣

雞鳴塚

在光武店西南二塚乾巽峙高三丈許世傳王莽住店東光武住店西夜未半塚中鷄鳴光武得脫

常十塚

在牛兒店北常氏兄弟十人俱葬此其季脫光武于難後

密縣志卷六

山水志
塚墓

三十四

封崇聖公有漢崇聖公常公神道碑

索長官墓

在菜園溝口卽投牒處古碑尙存遺像官一執印吏一老嫗一虎一字跡無存嘉慶十九年知縣景綸移嵌城內長

官祠壁中

景綸移索長官墓碑序

余以辛未秋莅密披閱志乘知邑西南三里許有五代索長官墓越

明年展拜其地墓旁卧殘碑剝苔剔蘚儼然當年讞虎像而雨淋日炙樵牧磨磷深慮日就漸滅乃移於城內長官祠俾工植而嵌於壁仍于墓前樹詩小隊行郊拜古墳殘石表之因作七言律一章以寄感

梁王彦章墓

儀常現宰官身我來憑弔思循政想見當年虎亦馴

在縣東南

按五代史彥章字子明鄆州壽張人梁末時爲鄆州防禦使與唐將夏魯奇戰馬跛被擒見殺又歐陽修王彥章畫像記王彥章鄆州壽昌人仕梁爲宣義軍節度使以身殉國葬于鄆州密時屬鄆州故也

宋鄭夫人塚

在歐陽祠右數十武有塚微起前立一碑相傳爲歐陽文忠公母之墓碑上截有八篆字下截埋土中

宋太師歐陽文忠公墓

在新鄭密縣界今其裔在密

明鈞州同知方瑜重修歐陽公祠墓碑

宋歐陽文忠公卒葬於開封府新鄭

縣之旌賢鄉韓魏公爲作誌銘蘇少公作神道碑名卿推崇恩卹優渥殆極一時之盛自熙寧以來五百有餘歲矣

密縣志卷六

山水志 塚墓

三十五

時物易遷興廢靡常國朝宏治中巡撫徐公恪修之既而就圯方伯楊公器又復修之今年三月瑜行部密邑瞻拜於墓下巋然荒巖惟破屋數間冥器之屬半沒土中至求韓蘇二公所作碑銘而讀之而推剝已久不可復見喟然嘆曰此先賢衣冠之藏也顧荒穢不治若此乎密令艾君儒聞之請以身任其事迺繕舊址萃羣力中爲堂三間東西爲廡外爲門各三間周繚以墻凡九尺未一月而告成艾君率諸生歐陽蛟等祈記其始末於石瑜常誦二公之文而有感焉韓公曰直道而行屢以讒蹶卒寤而知惟帝之哲蘇公曰匪不用賢有間三起三債保其初終未嘗不嘆公之既蹶而立旣債而起雖死之日猶生之年而其道愈久而愈光蓋公以浩漫閱博之才而濟以剛正直方之氣議論風采抗絕流俗舉一世之人望者懾遇者避而莫與爲侶讒夫作孽乃甘心焉初貶夷陵再遷滁州又再屏居穎上將以抑其才也適以善公之才將以毀其名也而適以成公之名如斯而已及其定也肆受殊知入叅大政榮死哀始無憾迨於今追錄遺議從祀於孔氏之庭海內之士勃然興起以通今古爲高犯顏敢諫爲忠濟時行道爲賢固斯道之慶也而豈獨公之幸哉且公嘗治開封繼包公歲嚴之後務爲簡易不求赫赫之譽遺愛罔讓於子產厚德有加於卓茂甘棠之蔽而况文之葬所以繫邦民之思垂後人之勸者尤莫切焉而况文

章氣節震耀凌厲與天地爭爲久長而不朽者乎瑜也待
罪於茲得拜乎祠墓而與執夫掃除之役又以蕪詞托之
公側竊附於韓蘇二公之後庸非幸歟艾君儒江西崇仁
人也潔已愛民懋只來績可謂聞風而興者矣是爲記

歐陽哲重修文忠公望石記

文忠公葬在今開封府禹州新鄭密縣界神道有碑其文

眉山蘇文定公轍所撰也碑仆既久正統元年秋哲官河
南少傅兵部尚書華蓋殿大學士楊公謂曰宜往植焉朋
年夏四月哲至新鄭展敬塋下視其碑石缺斷不堪立而
文剝裂不可讀欲重刻之而未能囚思公之事具諸史蘇
之文亦行於世固不在于碑也然兆域無以識焉恐日就
湮沒後之人何從知之乃僦工斷石爲小碑立于墓前於
是開封府知府黃璿禹州知州趙恭各捐俸爲助碑成題
曰宋太師歐陽文忠公之墓庶幾可以示諸久遠夫碑之
立有其自事之成有其人皆所宜記因序而刻諸碑陰云

宋王直方墓

王漁洋居易錄劉後村作西江詩派序不爲王直方立之
作傳牧仲中丞頃寄張吏部扶長江西詩派圖錄補立之

密縣志卷六

山水志
塚墓

三十六

傳適讀晁以道嵩山集有立之墓銘蓋吏部亦未之見畧
錄數條以備考證立之少樂從諸丈人行遊無他嗜好惟
晝夜讀書手自傳錄凡大編數十時遐荒窮海有先生居
焉而傳彼所賦歌詩獨早且多若咫尺居而手授受也立
之於人顧豈燥濕寒暑之異哉然非其好雖以勢力美官
誘致莫肯自枉也常監懷州酒稅尋易冀州糴官僅數月
投劾歸凡十五年處城隅小園嘯傲自適命其園之堂曰
賦歸亭曰頓有一時文士多爲賦詩彭城陳無已卒千京
師立之割田十頃以周其孤多此類者立之病中取其生
平書古器散之四方朋友無遺慕義樂善如此此事蓋古
人所未有也大觀三年三月日葬密縣立之病卧久口不

能良言猶慷慨忠憤不少憊且曰我所作詩文他日無咎
序之死則以道銘我所謂遐荒窮海有先生居焉者蓋東
坡也

宋東呂侯墓

鐵佛寺殿壁有墓志蓋一篆九字有宋東呂侯墓誌六字
可識今不知所在

叅知政事常公墓

在縣西常村保元統三年孫鵬翼立神道碑

牛王塚

在雙樓東洪山真人廟五里許大塚高三丈餘周圍六十
餘步土人相傳爲牛王塚當卽洪山真人也

密縣志卷六

山水志
塚墓

三十七

岳大王塚

在岳村南有大塚高丈餘鄭氏族譜謂村以塚得名大王
年代名字無考相傳以戰陣而沒此其葬首處也

韓駙馬塚

在岳村東七里許聖壽寺北相傳爲韓駙馬之墓時代無
考

孫光普墓

在縣西開陽山後

孫姨娘墓

在開陽山西石人石獸猶存年代失考

程孝子墳

在崔家莊高可丈餘年代無考

金定遠大將軍劉芳墓

在縣西二十五里永安五年孫熙爲立神道碑

元梁國公馮世昌祖馮宣墓

在縣東岐固保延祐初曾孫都指揮使識烈門立神道碑

趙孟頫書

明驃騎將軍右軍都督府都督僉事劉先墓

在大隗鎮東五里有明大學士楊榮墓記

五女塚

在北召村西南里許相傳明季兵亂其父欲去以女爲難

五女遂相繼自盡以速父之行惜姓氏不可考矣

密縣志卷六

山水志
塚墓

三十八

明馬體健墓

在馬寨北里許

張問明墓

在尖城岡

漏澤園

在縣北厲壇右知縣李芝蘭置

義塚

嘉慶十三年知縣楊泰起施西關外地八畝十九年知縣
景綸施茶菴地十畝其餘各保俱施有義塚不能悉載

